

疏足息肩有所忌難金城鐵郭以銅
為關蕃屏自衛安上無患
漢關中金城千里天府之國也

巽

江有沔泥思附君子伯仲受歸不我
肯顧姪娣悔恨

泥當作汜詩云江有沔之子歸不
我過不我過其孺也歌又云江有
汜不我以不我以其後也悔按詩
傳水決復入為汜今江陵漢陽安
復之間蓋多有之沔江之別者之
子媵妾指嫡妻而言也婦人謂嫁
曰歸我媵自我也能左右之曰以
謂挾已而偕行也是時汜水之旁
媵有待年於國而嫡不與之偕行者
其後嫡被后妃夫人之化乃能自

悔而迎之故滕見江水之有汜而
因以起興言江猶有汜而之子之
歸乃不我以雖不我以然其後亦
悔矣

允

牙孽生達陽倡於外左手執籥公言

錫爵

詩云左手執籥右手秉翟赫如渥

赭公言錫爵按詩傳籥如笛而六
孔或三孔翟雉羽也執籥秉翟者
文舞也公言錫爵即儀禮燕飲而
獻工之禮也

渙

雲夢苑囿萬物蕃熾犀象璫瑁荆人
以富

荊州有澤藪曰雲夢方八九百里

節

渠戎萬里晝夜愁苦橐甲戎服雖荷
不賊鷹鷂之殘害不能傷

無註

中孚

鑿基逢時稷契臯陶貞良願得微子
解囚市空無虎謾誕妄語

孟子曰雖有鑿基不如待時書舜
典稷播百谷契敷五教臯陶明刑
微子紂庶兄也

小過

騎騅與蒼南賈太行逢駮猛虎爲所
吞殤葬於渭陽一本有又害不傷

無註

既濟

出門東行日利時良步騎與駟經歷

宗邦暮宿北燕與樂相逢

無註

未濟

酒為懽伯除憂未樂福善入門與君
相索使我有得

無註

☳

震上
乾下大壯

左有噬羆右有齒虎前觸鐵矛後躡
強弩無可抵者

無註

之乾

金齒鐵牙壽考宜家年歲有儲貪利
者得離其咎憂

無註

坤

家給人足頌聲並作四夷賓服干戈

囊閣

書明王慎德四夷咸賓史記武王
勝殷包藏弓矢戢弭干戈以示弗
用也

屯

獼猴冠帶盜載非位衆犬嘈吠狂走
厥足

無註

蒙

心患其身不念安存忠臣孝子爲國
除患

無註

師

鹿下西山欲歸其群逢羿鋒箭無於
矢端
羿古之善射者

訟

東行西窮南北無功張伯賣鹿從者
失羊

無註

需

君不明德臣亂為惑丞相命馬胡亥
失所

按秦紀趙高欲為亂恐群臣不從
乃先設驗以鹿獻於二世曰馬也
二世笑曰丞相誤邪謂鹿為馬問
左右或默或語高陰中諸言鹿者
用法繩之後群臣皆畏高此言人
君之德不明為姦臣之所惑亂胡
亥之於趙高是也

比

明夷兆初三日為灾以讒後歸名曰

豎牛剥亂叔孫餒卒虛丘

餒當作餒春秋成公十六年魯穆子去叔孫氏奔齊及庚宗遇婦人宿焉生子曰牛復歸魯立為卿使牛為豎有寵長使為政牛不食叔孫遂餒而卒

小畜

秦失嘉居河伯為怪還其御壁神怒不祐織組無文煖香弗芬

按秦紀使者從關東夜過華陰平舒道有人持壁遮使者曰為吾遺瀉池君今年祖龍死使者問其故因忽不見置其壁去使者奉壁具以聞始皇使御府視壁乃二十八年渡江所沉之壁也此言始皇將終江神以壁遺瀉池之神以相告

履

德至之君禍不過鄰使我世存身無患災

無註

泰

眾惡之堂相聚為殃出毒良人使道不通

無註

否

三癡六狂欲之平鄉迷惑失道不知昏明

無註

同人

老弱無子不能自理郭氏雖憂終不離咎管子治國侯伯之服乘輿八百尊祀祖德

管子即管仲相桓公霸諸侯

大有

褒后生虵經老皆微追跌衰光酒滅

黃離

褒后即褒姒初夏后氏衰有二龍
降于庭卜藏其漿自夏商莫敢發
周人發之漿化為玄黿後宮童女
遭之而孕無夫而生子懼而弃於
路人哀其夜號而收養之逸於褒
褒人有罪進是女於周幽王寵之
號曰褒姒索隱曰玄黿蜃蜴也褒
后之生蓋出于此

謙

驄驕黑鬣東歸高鄉白虎推輪蒼龍
把衡逐至夷傷不離谷殃

驄音葛鬣音宗

豫

信譎龍且塞水上流半涉決囊焚師覆凶

按史韓信攻齊項羽遣龍且救之夾濰水而陳信令萬餘人囊沙壅水上流引軍半渡擊之佯不勝走還龍且追信信急遣人決壅水大至且軍大半不得渡信急擊殺且

隨

有莘季女為王妃后貴夫壽子毋字四海

按本紀鮪取有莘氏女謂之女志是生高密宋衷云高密禹所封之國也

鹽

德被八表蠻夷率服螫賊不作道無

苛慝

無註

臨

載日精光驂駕六龍祿命徹天封為

燕王

未詳

觀

纒急縮頸行不得前五石示象襄霸

弗成

春秋僖公十六年正月戊辰殞石

于宋五註云石者陰德之專也宋

襄欲行霸事卒以五年見執如五

石之數也

噬嗑

蛇失其公載麻當喪哀悲哭泣送死

離鄉

無註

賁

國隕不安兵革為患掠我妻子客屬
飢寒

無註

剝

乘風雨橋與鳥飛俱一舉千里見吾
愛母

無註

復

雷霆所擊誅者五逆磨滅無迹有懼
方息

無註

无妄

張氏揖酒請謁左右王叔枯槁獨不
蒙所

無註

大畜

坐爭立訟紛紛
凶卒成禍亂
及家公

無註

頤

霜降閉戶
蟄蟲隱處
不見日月與
死為伍

無註

大過

鼠聚生怪
為我患悔
道絕不通
商旅失意

無註

坎

寒暑不當
軌度失常
前一後年
歲鮮有

無註

離

築室水上危於一齒丑寅不徙辰卯
有咎

無註

咸

畜雞養狗長息有儲耕田得黍王母
喜舞

無註

恒

東壁餘光數閭不明主母嫉妬亂我
業事

東壁星名

遯

剛柔相傷火爛銷金鷓鷹刺兔伐楚
有功

未詳

晉

鄭國讒多數被楚憂商人愁苦民困
無聊一本云三豕俱走鬪於虎口白
豕不勝死於坎下

春秋魯僖公元年楚伐鄭三年楚
又伐鄭蓋鄭當晉楚之間無歲而
不被兵也

明夷

弓矢其張把彈弦折九發不至道過
害患

無註

家人

舉觴飲酒未得至口側弁醉酗拔劍
相怒武侯作悔

詩賓之初筵衛武公飲酒悔過而

作其詩云側弁之俄

原本空文

蹇

穿空相宜利倍我北循邪詭道逃不
可得南北望邑遂歸入室

無註

解

壽如松喬與日月俱常安康樂不離

禍憂

赤松王喬皆古仙人名

損

出門望東伯仲不來疾病為患使母

憂歎

無註

无

大姒之孫周文九子咸遂受成寵貴

富有

詩曰太姒嗣徽音大姒文王之妃
武王之母也春秋傳曰武王同母
第八人并武王爲九也大姒教誨
諸子自少及長未嘗見邪僻之事
及其長文王繼而教之卒成武王
周公之德故云咸遂受成寵貴富
有也

夫

桃李華實累累日息長大成熟甘美
可食爲我利福

無註

始

昏禮不明男女失常行露反言出爭
我訟

詩厭浥行露豈不夙夜謂行多露

又誰謂女無家何以速我訟註云
南國之人遵召伯之教服文王之
化有以革其前日淫亂之俗故託
以行多露而畏其沾濡也

萃

空穿漏弊破桴殘缺陰弗能完瓦碎
不全

無註

升

數窮廓落困於歷室往登玉堂與堯
侑食

按史舜微時耕於歷山堯舉而任
之加諸上位

困

道濕為坑輪陷躓僵南國作諱使我
多畏

無註

葬

鰥寡孤獨福祿苦薄入室無妻武子

哀悲

按春秋魯襄公二十五年崔武子
欲娶棠姜筮之其繇曰入其宮不
見其妻凶

革

舉被覆目不見日月衣衾被机就其
夜室

按史記越伐吳吳三戰三北夫差
上姑蘇亦請成於越范蠡不可夫
差曰吾無以見子胥為幘冒乃死

鼎

長尾踳地畫地為河深不可涉絕無
以北惘然憤息

無註

震

晨風文翰大舉就温昧過我邑羿無所得

詩晨風篇云歟彼晨風鬱彼北林晨風鷁也羿后羿古之善射者

良

出入節時南北無憂行者亟至在外歸來

無註

漸

陽氏狂惑季孫亂憤陪臣執政平子拘折我心不快

陽氏即陽虎季氏之家臣專政季孫即季孫氏魯大夫陪臣家臣謂陽虎也平子季孫意如也

歸妹

五鳥六鳴相對蹲跂禮讓不與虞芮
爭訟

虞芮二國名相與爭田不決乃如
周入界耕者皆讓畔民俗皆讓長
二人慚之乃不見西伯而還感而
相謂曰我等小人不可以履君子
之庭於是俱讓其田不取

豐

頤念所生隔在東平遭離蒲沸河川
決潰幸得無恙復歸相室

無註

旅

追獵東走兔逃我後吾銳不利獨空
無有

無註

巽

犬吠非主上下膠擾敵人襲戰閔王
逃走

史記燕昭王伐齊戰于濟西齊師
大敗閔王出走

允

嵩高岱宗峻直且神觸石膚寸千里
蒙恩

白虎通云嵩高山者中央之岳獨
加高字者何中央居四方之中而
高故曰嵩高五經通義王者受命
易姓報功告成必於岱宗也

渙

陳魚觀社很荒踰矩爲民開緒亡其
祖考

春秋隱公五年公將如棠觀魚滅

僖伯諫曰不軌不物謂之亂政亂政並行所以敗也公曰吾將畧地焉遂往陳魚而觀之莊公二十三年公如齊觀社非禮也曹劌諫曰不可夫禮所以整民也君舉必書書而不法後嗣何觀

節

四壁無戶三步一止東西南北利不可得

無註

中孚

求君衣裳情不可當觸諱西行爲伯生殃君之上歡得其安存

按春秋蔡昭侯爲兩佩裘以如楚獻一裘一佩於昭王自服其一子常欲之弗與三年止之蔡人聞之

固請而獻佩于子常遂歸蔡侯

小過

春鴻飛東以馬貨金利可得深

貨音茂

既濟

禾生蟲蠹還自尅賊使我無得

無註

未濟

桀亂無道民散不聚倍室棄家逃遁

出走

史記夏桀為傾宮瑤臺殫百姓之

財湯伐之放於南巢

䷗ 坤上晉

銷鋒鑄耜休牛放馬甲兵解散夫婦

相保

無註

之乾

一衣三冠無所加元衣服不來爲我
災患

無註

坤

百足俱行相輔爲強三聖翼事王室
寵光

三聖堯舜禹也

屯

魚蛇之怪大人憂懼梁君好城失其
安居

春秋梁伯好土功亟城而弗處

蒙

少無強輔長不見毋勞心遠思自傷
憂苦

無註

需

前涉溽暑解不可取離河三里敗我
利市老牛病馬去之何悔

無註

訟

君明有德登天大祿布政施惠以感
恩福中子南遊翱翔未復

無註

師

哢然唯諾敬上尊客執恭除患禦侮
致福

無註

比

黍稷禾稻垂秀方造中旱不雨傷風
病藁

無註

小畜

三羸六罷不能越
跪東賈失馬往反
勞苦

無註

復

倚立相望引衣欲莊
陰雲蔽日暴雨
所集降我歡惠使道不通

無註

泰

高脚疾步受肩善趨
日走千里賈市
有得

無註

否

北風寒涼雨雪益冰
憂思不樂哀悲
傷心

詩云北風其涼雨雪其雱
言北風

雨雪以比國家危亂將至而氣象
愁慘也

同人

貞鳥鳴鳩執一無尤寢門治理君子
悅喜

無註

大有

萋蕭露瀼君子龍光鳴鸞雍和福祿
來同

詩萋蕭篇云萋彼蕭斯零露瀼瀼
既見君子為龍為光又云和鸞雖
雖萬福攸同言諸侯朝于天子天
子與之燕以示慈惠而作也

謙

南行求福與喜相得封受上賞鼎足
輔國

無註

豫

桑華腐蠹衣弊如絡女功不成絲布

為玉

無註

隨

左服易右王良心懽嘉利從已

詩大叙于田篇云兩服上襄註衡

下夾轅兩馬曰服王良古之善馭

者

蠱

壽考不忘駕駢東行之適陳宋南賈

楚荆得利息長旅自多罷畏晝喜夜

無註

臨

羔羊皮弁君子朝服輔政扶德以合

萬福

詩羔羊之皮素絲五紵羔羊之革
素絲五紵言南國化文王之德在
位皆節儉正直故詩人美其衣服
有常也

觀

鷓鴣徙巢西至平州遭逢雷電破我
葦廬室家飢寒思吾故初

無註

噬嗑

大尾小頭重不可擡上弱下強陰制
其雄

無註

賁

䟽足息肩有所忌難金城銅郭以鐵
爲關蕃屏自衛安止無患

漢關中金城千里天府之國也

剝

天命玄鳥下生大商造定四表享國
久長

詩商頌玄鳥篇云天命玄鳥降而
生商古帝命武湯正域彼四方

復

賊斂重數政爲民賊杼軸空虛家去
其室

賊斂當作賦斂詩小東大東杼軸
其空杼持緯者也柚受經者也

无妄

陰陽隔塞許嫁不荅宛丘新臺悔往
歎息

詩宛丘篇云子之湯兮宛丘之上
兮洵有情兮而無望兮又新臺篇

云新臺有泚河水瀰瀰燕婉之求
蘧篠不鮮此皆言淫荒昏亂而作

大畜

願望登虛意常欲逃賈辛醜惡妻不
安夫

春秋魯昭公二十八年魏獻子謂
賈辛曰昔賈大夫惡娶妻而美三
年不言不笑

坎

懸懸南海去家萬里飛兔驪裏一日
見母除我憂悔

無註

大過

信敏恭謙敬鬼尊神五岳四瀆尅馭
帝心受福宜年

無註

頤

蹶行竊視有所畏避蔽目伏藏以夜
爲利

無註

离

雖汙不辱因何洗足童子褰衣五年
平復

未詳

咸

宮城立見衣就袂裙恭謙自衛終無
禍尤

無註

恒

弊筭在梁不能得魚望貧千里所至
空虛

詩敝筭在梁敝壞筭罟也言以敝

笱不能制大魚焉

遊

千里騂駒為王服車嘉其驪榮君子

有成

無註

大壯

鼎足承德嘉謀生福為王開庭得心

所欲

無註

明夷

右手無合獨折左指禹湯失佐事功

弗立

禹夏禹湯成湯也

家人

憂凶憎累患近不解心意西東事無

成功

無註

睽

東行食榆困於枯株失妻無家志窮
為憂

無註

蹇

五經六紀仁道所在正月繁霜獨不

離咎

五經五常六紀六德詩正月繁霜

解

懈緩不前愒怠失便二至之戎家無

禍凶刻木象形聞言不信

無註

損

仁愛篤厚不以所忿害其所子從我
舊都日益富有

無註

益

缺破不成胎卵未生弗見兆形

無註

夬

摧角不傷雖折復長秉德無蹇老賴

榮光

無註

姤

乘桴渡海免脫厄中雖困无咎

桴筏也語云乘桴浮于海

萃

孔鸞鴛鴦鷓鴣鷓鴣翔紫淵嘉木

之圃君子以娛

無註

升

衆來得願甘露溫潤樂易君子不逢
禍亂

甘露仁澤也太平之世則降

困

東騎墜落千里獨宿高岸爲谷陽失
其室

無註

井

八才既登以成善功厖降庭堅國無
憂凶

高陽氏才子八人厖降庭堅其二
子也

震

白鳥銜餌嗚呼其子施技張翅來從
其母

無註

艮

學靈三年聖且明神先見善祥嘉吉
福慶餌言知來告我无咎

無註

革

邯鄲反言父兄生患竟涉憂浪卒死
不還

涉即陳涉涉嘗令陳人武臣徇趙
地武臣到邯鄲自立為趙涉怒捕
繫武臣家室後因柱國之諫遂立
武臣為趙王武臣終於背涉竟死
於莊賈之難出陳涉傳

鼎

五銑鐵順倉庫空虚賈市無盈與利
為仇

按韻註鍾口兩旁曰銑又云銑金

之澤者鐵頤未詳銳當作銑

漸

雲孽烝起失其道理傷害年穀神君
之精

無註

歸妹

春耕有息秋入利福獻豨犬縱以樂
成功

豳風詩云三之日于耜四之日舉
趾又曰九月築場圃十月納禾稼
四章曰言私其縱獻豨于公註云
縱一歲豨豨三歲豨也

豐

羸豕躑躅虎入都邑遮遏左右國門
救至一作救急

無註

旅

東行西維南北善迷逐旅失群亡我
襦衣

無註

巽

居室之倫夫婦和親小人乘車石果
失豢

石當作碩易剥之上九碩果不食
君子得輿

兌

東方孟春乘冰戴盆懼危不安終身
所歡

無註

渙

風吹塵起十里無所南國年傷不可
安處

無註

節

重載傷車婦失無夫三十不室獨坐
空廬

無註

中孚

販牛羸馬與利為市不我嘉喜

無註

小過

日出阜東山蔽其明章父薦履箕子
佯狂

父當作甫章甫禮冠屨屨也商紂
無道箕子佯狂而為奴

既濟

出入門所與道開道杞梁之信不失
日中少季渡江來歸其邦疾病危亡

春秋魯襄公二十三年齊侯襲莒
杞殖華還遇莒子於蒲侯氏莒子
重賂之請盟華周對曰昏而受命
日未中而弃之何以事君莒子遂
獲杞梁即杞殖也

未濟

邑兵衛師如轉蓬時居之危凶

無註

☵

上明夷

他山之儲與璆為仇來攻吾城傷我
肌膚邦家騷憂

無註

之乾

踐履寒冰十步九尋雖有苦痛不為
憂病

無註

坤

太公辟紂七十隱處卒遭聖文為王
室輔

初太公隱居屠釣後遇文王以興
周室

屯

日月之塗所行必到無有患悔
無註

蒙

諷德頌功美周盛隆且輔成周光濟
沖人

詩雅頌周公所作且周公名相成
王沖人成王也書云惟予沖人弗
及知

需

童女無室未有配合空坐獨宿

無註

訟

穿鼻繫株為虎所拘王母祝祠禍不成尖遂然脫來

無註

師

黃帝神明八子聖聰佚受大福天下平康

黃帝軒轅氏至高陽氏有才子八人天下謂之八愷

比

深谷為陵衰者復興亂傾之國民得安息中婦病困遂人冥室

人當作入

小畜

道遠遼絕路宿多悔頑囂相聚生我

畏惡

無註

履

旦樹菽豆暮成藿羹心之所樂志快

心懼

無註

泰

切切之患凶憂不存虎不敢齧利當

我身

無註

否

王伯遠宿長婦在室異袍恃食所求

不得

無註

同人

寒燠失時陽旱爲災雖耗無憂

無註

大有

雖窮復通履危不凶保其明功

無註

謙

狼虎所宅不可以居為我患憂

無註

豫

喋囁處矐昧冥相傳多言少實語無

成事

無註

隨

履冰蹈凌雖困不窮播雀登巖卒無

憂凶

凌陰冰室也

蠱

文文墨墨憂禍相雜南北失志東西
不得

無註

臨

爭訟不已更相談詢張季弱日被髮
北走

詢音詒

觀

德積逢時宜其美才相明輔聖拜受
福休長女不嫁後爲大悔

無註

噬嗑

江水沍沍思附君子伯仲爰歸不我
肯顧姪娣恨悔

姪音迭詩云江有沍之子歸不我
過不我過其嘯也歌又云江有沍

之子歸不我以不我以其後也悔
按詩傳水決復入爲汜今江陵漢
陽安復之間蓋多有之沱江之別
者之子媵妾指嫡妻而言也婦人
謂嫁曰歸我媵自我也能左右之
曰以謂挾已而偕行也是時汜水
之旁媵有待年於國而嫡不與之偕
行者其後嫡被后妃夫人之化乃
能自悔而迎之故媵見江水之有
汜而因以起興言江猶有汜而之
子之歸乃不我以雖不我以然其
後也亦悔矣

賁

光禮春成陳寶雞鳴陽明失道不能
自守消亡爲咎

按秦紀索隱註曰漢書郊祀志云

文公獲若石云于陳倉北坂城祠
之其神來若雄雉其聲殷殷云野
鷄夜鳴以牢祠之號曰陳寶又臣
瓚云陳倉縣有寶夫人祠歲與葉
君神會祭于此者也

剝

驚虎無患虞爲我言賴得以安

無註

復

僞言妄語轉相誣誤不知狼麴

無註

无妄

履悖自敵凶憂來到痛不能笑

無註

大畜

牽尾不前逆理失臣惠朔以奔

春秋左右公子立黔牟衛朔奔齊

順

三狸搏鼠遮遏前後死於環城不得

脫走

無註

大過

言笑未卒憂來暴卒身墨丹索檻囚

裝束

無註

坎

陰積不已雲作淫雨傷害平陸民無

室屋

無註

離

山林麓藪非人所處鳥獸無禮使我

心苦

無註

咸

新作初陵踰蹈難登三駒推車跌頓

傷頤

無註

恒

魂微愒愒行續聰絕曠然大通復更

生活

無註

遊

欒子作殃伯氏誅傷州犁奔荆去其

邑鄉

春秋成公十五年冬十月晉三郤

害伯宗譖而殺之及欒弗忌伯州

犁奔楚

大壯

高明大彤造惡作凶無所能成還自滅身

高明大彤作驕胡犬彤義通

晉

陳薛達城使安不傾增榮益譽以成功名

無註

家人

三杞無棗家無積莠使鳩求婦頑不我許

無註

睽

慎禍重病顏子為友乃能安存牢戶繫羊乃能受慶

顏子即顏淵

蹇

鹿得美草嗚呼其友九族和穆不憂
飢乏

詩鹿鳴篇云呦呦鹿鳴食野之苹
我有嘉賓鼓瑟吹笙

解

亡玉失鹿不知所伏利以避危全我
生福甘雨時降年歲有得

無註

損

逢時得當身受福慶

無註

益

鷓思其雄欲隨鳳東順理羽翼出次
須日中留北邑復反其室

無註

夬

環堵倚鋤升升屬口貧賤所處心寒
昨苦

無註

姑

孤獨特處莫依爲輔心勞志苦

無註

困

絕而復通雖達不窮終得其願姬姜

相從

無註

井

陽并悖狂拔劍自傷爲身坐殃

并當作氏陽氏即陽虎也

革

方圓不同剛柔異鄉掘井得石勞而

無功

無註

鼎

乘風兩會與飛鳥俱動舉千里見我

愛母

無註

震

三塗五岳陽城太室神明所扶獨無

兵革

三塗山名在河南伊闕縣陽城山

谷名在嵩山下太室山名

良

鷓鴣取婦深目窈身折腰不媚與伯

相背

無註

萃

稷為堯使西見王母拜請百福賜我

喜子長樂富有

稷后稷王母古神仙也

升

鳴條之郊北奔犬胡左衽爲長國號
匈奴王君旄頭立尊單于

樂彥括地譜云夏桀無道湯放之
鳴條三年而死其子暈粥妻桀之
衆妾避居北野隨畜移徙中國謂
之匈奴單于者廣大之貌尊稱之

漸

轉行軌軌行近不遠旦夕入門與君
笑言

無註

歸妹

求利難國逃去我北復歸其城不爲
吾賊

無註

豐

日月之途所行必到無凶無咎安寧
不殆

無註

旅

管仲遇桓得其願歡膠自啓牢振冠
無憂突戲不止空言妄行

鮑叔舉管仲於齊桓公任以為相
膠目啓牢未詳

巽

出入蹈踐動順天時俯仰有節禍灾
不來

無註

兌

內崩傷中上亂無恒雖有美粟我不

得食

無註

渙

逐禍除患道德神仙遏惡萬里福常在
在前身樂以安

無註

節

牛驚馬走上下渾擾鼓音不絕頃公

奔敗

春秋魯成公二年衛孫桓子魯臧
宣叔晉卻克與齊頃公戰晉人援
桴而鼓馬逸不能止師從之頃公
敗績

中孚

西上九阪往來留連止須時日虛與
有得

無註

小過

虎怒捕羊豨不能攘

無註

既濟

踊泉瀉瀉南流不絕卒爲江海壞敗
邑里家無所處將帥襲戰獲其醜虜

無註

未濟

桃弓韋戟除殘去惡敵人執服

無註

易林卷第九

易林卷第十



離下家人

天命赤烏與兵徼期征伐無道誅其君傲居止何憂

史武王渡河有火自上復于下至于王屋流為烏其色赤故武王伐紂以應赤烏之祥

之乾

千歲槐根身多斧癩傷癰擣理枝葉不出

無註

坤

嘑嘑譎譎虎豹相齧懼畏悚息終無難惡

無註

屯

娶於姜呂駕迎新婦少齊在門夫子
懽喜

按春秋昭公二年夏四月韓須如
齊逆女齊陳無宇送女致少姜少
姜有寵於晉侯晉侯謂之少齊姜
齊姓

蒙

膏壤肥澤民人孔樂宜利居止長安
富有

無註

需

生有聖德上配大極皇靈建中授我
以福

書仲虺之誥成湯曰王懋昭大德
建中于民

訟

耄老蒙鈍不見東西少者弗慕君不
與謀懸輿致仕退歸里居

漢薛廣德上疏乞骸骨歸里懸車

師

三狂北行道逢大狼暮宿患澤為禍
堪傷

無註

比

更且初歲振除禍敗新衣元服拜受

利福

且當作旦元服首服也

小畜

杲杲白日為月所食損上毀下鄭昭
出走

按春秋鄭莊公娶鄧曼生世子忽
又娶宋雍氏生公子突魯桓十一

年莊公卒忽立祭仲歸復立突忽
出奔衛忽鄭昭公名

履

君子失意小人得志亂擾並作奸邪
充塞雖有百堯顛不可救

無註

泰

仁德履洽恩及異域澤被殊方福慶
隱伏作蠶不織寒無所得

無註

否

東求金玉反得弊石名曰無宜字曰
醜惡衆所賤薄

無註

同人

擊鼓合戰士怯叛亡威令不行敗我

成功

無註

大有

仲春孟夏和氣所舍生我嘉福國無

殘賊

無註

謙

尹氏伯竒父子生離無罪被辜長舌
為災

伯竒尹吉甫之子父娶後妻而譖
伯竒於吉甫父逐之言無罪而見
逐皆後母長舌所為也

豫

三穀不熟民苦困急駕之新邑嘉樂
有德

無註

隨

登虛望貧暮食無殮長子南成與我
生分

無註

中鹽

東市齊魯南賈荆楚羽毛齒革為吾
利寶

書禹貢荆及衡陽惟荆州厥貢羽
毛齒革

臨

節情省欲賊殺有度家給人足公劉
以富

賊殺當作賦歛公劉后稷之曾孫
也詩云乃積乃倉又言其既庶既
繁

觀

恭寬信敏功加四海辟去不祥喜來
從母

語子張問仁於孔子孔子曰能行
五者於天下為仁矣請問之曰恭
寬信敏惠

嗾

張狂妄作與惡相逢不得所欲生我

獨凶

無註

賁

畫龍頭頸文章不成甘言美語詭辭

無名

無註

剝

騎龍乘風上見神公彭祖受剝王喬
讚通巫咸就伴拜壽無窮

彭祖古之有壽者王喬古仙人巫咸商臣名

獲

溫仁君子忠孝所在八國為隣禍灾不處

無註

無妄

威權分離鳥夜徘徊群蔽目光大人

誅傷

無註

大畜

學靈三年聖且明神先知善祥吉喜

福慶神鳥來見告我無憂

無註

頤

東山家辭處婦思夫伊威盈室長股

羸戶歎我君子役日未已

東山周公東征之詩我徂東山惴惴不歸又曰鸛鳴于垤婦歎于室又曰伊威在室伊威者鼠婦也室不掃則有之羸當作羸果羸栝樓也詩曰果羸之實亦施于宇蓋述其歸未至而思家之情也

大過

張頷開口舌直距齒然諾不行政亂

無緒

無註

坎

吹角高邦有夫失羊衆民驚惶敬言慎避咎勅不行殃

無註

離

南行出城世得福祉王姬歸齊賴其所欲

春秋莊公元年王姬歸于齊言王室之女下嫁于諸侯也

咸

心狂老悖視聽聳類政令無常下民多孽

無註

恒

安上宜官一日九遷踰群超等牧養

恒山

漢田千秋一日九遷其官

遯

東鄰嫁女為王妃后莊公築館以尊王母歸于京師季姜悅喜

春秋魯莊公元年王姬下嫁於齊

命同姓諸侯主之曾以姬姓故築館而迎之冬王姬歸于齊桓公九年春紀季姜歸于京師為桓王后

大壯

六甲無子已喪其戊五丁不親庚失曾孫癸走出門

未詳

睽

安床厚褥不歸夕宿弃我喜讌困於南國投杼之憂弗成禍災

戰國策秦甘茂曰魯人與曾參同姓名者殺人人告其母曰吾子不殺人織自若至於告之者三其母懼乃投杼而走

明夷

騎豚逐羊不見所望經涉虎廬亡身

失羔

無註

晉

陰霧不清濁政亂民孟秋季夏水壞

我居

無註

蹇

五方四維平安不危利以居止保有

玉女

無註

解

西賈巴蜀寒雪至轂欲前不得復反

其室

巴蜀皆地名

損

剛柔相呼二姓為家霜降既同惠我

以仁

無註

益

天馬五道炎火分處往來上下住又
駒亡衣柔巾麻相隨哭歌凶惡如何

未詳

夫

出門懷憂東上禍立與凶相遇自為

災患

無註

遘

西行求玉真得隨璞反見凶惡使我

驚惑

無註

萃

出入無妄動作失利銜憂懷禍使我

多悴

無註

升

高樓無柱顛僵不久紂失三仁身死
牧野

史記商紂無道造鹿臺為瓊室高
千尺罷苦萬民之力三仁微子箕
子比干紂不能用其後武王伐紂
于商郊牧野

革

泉涸龍憂箕子為奴于叔隕命殺破
其家

箕子紂親戚諫紂不聽佯狂為奴
紂之諸父比干也直言諫紂紂怒
殺之剗視其心

鼎

向食飲酒嘉賓聚會祥羊大猪君子
饒有

無註

困

避禍逃殃身外不傷高貴疾顛華落
墮凶

無註

井

張牙反目怒齧作怒狂馬燒犬道驚
傷軫

未詳

震

黃牛駢犢東行折角翼得百祥反亡
我囊

無註

艮

路多枳棘步刺我足不利旅客為心
作毒

無註

漸

執斧破薪使媒求婦和合二姓親御
斯酒居比鄰里姑公悅喜

無註

歸妹

駕車出門順時宜西福祐我身安寧
無患

無註

豐

日新東從魁杓為禍僕臺為秦使我
久坐

未詳

旅

山陵丘墓魂魄室屋精光竭盡長卧
無覺

無註

巽

孩子貪餌為利所說探把金甌爛其
臂手

無註

兌

何材待時閉戶獨愁丘蚓冬行解我
無憂桑蚕不得女功弗成

無註

渙

解商驚惶散我衣裝君不安邦

無註

節

害政養賊背主入愆跛行不安國危

為患

無註

中孚

禍走患伏喜為我福凶惡消去災害

不作

無註

小過

老馬無駒病雞不鷄三雌獨宿利在

山北

無註

既濟

播天舞地曉亂神所居樂無咎

無註

未濟

異國殊俗情不相得金木為仇酉賊

檀穀

未詳

☲
上離
下睽

入倉盈庾億宜稼黍稷年歲有息

詩楚茨我倉既盈我庾維億我黍
與與我稷翼翼此言述公卿之有
田祿力於農事而作也

之乾

被服文衣遊觀酒池上堂見觴喜為
吾兄使我憂亡

無註

坤

邑姜叔子天文在手實沈參虛封為
晉侯

邑姜武王后叔子即太叔當邑姜
方震太叔夢帝謂已余命而子曰
虞及生有文在手曰虞遂以命之

及成王滅唐而封太叔焉參為晉
星實沈參神也出左傳魯昭公元
年

屯

改柯易葉飯溫不食豪雄爭強先者
受福

無註

蒙

馨香陟降明德上登社神祐顧命予
大鄰

詩文王陟降在帝左右帝上帝也

需

老狼白驢長尾大狐前顛卻躡進退
遇崇

無註

訟

山没丘浮陸為水魚鸞雀無廬

無註

師

懿公淺愚不深受謀無援失國為狄

所賊

春秋閔公三年狄人伐衛懿公好
鶴鶴有乘軒者將戰國人皆曰使
鶴遂為狄所滅

比

鼎煬其耳熱不可舉大塗塞壅旅人

心苦

無註

小畜

凶聲醜言惡不可聞君子舍之徃恨

我心

無註

履

昧暮乘車履危陷溝亡失群物摧折
兩軸

無註

泰

南有嘉魚駕黃取鱗鱖詡詡利來
無憂

南有嘉魚詩篇名為燕享而作也

否

隔在九山往來勞難心結不通失其
所懽

無註

同人

下流難居狂夫多罷貞良溫柔年歲
不富

無註